



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale
Archiepiscopo, Diuersis temporibus in sex Concilijs, totidemq[ue]
voluminibus edita

Speciano, Cesare

Brixiae, 1603

Tit. XVII. De Torneamentis.

urn:nbn:de:hbz:466:1-10553

DE CINGARIS Tit. XVI.

Cingari qualiter inquirendi, & vt catholicè, & christianè viuant
compellendi. Cap. I.



PISCOPVS in cuius diecesi cingaros morari aut uagari con-
tulerit, diligenter inquireat, an, vt Christianos decet, in om-
ni uita se gerant, anq; Sanctę Ecclesię institutis, & præce-
ptis pareant.

Rursus, an quicquam contra agant, quod schismatico-
rum morem, usumq; præferat.

An Quadragesimę tempore, ieiunięq; diebus carne, & cibis uetitis ue-
scantur; an nouis ritibus utantur. Quod si contra Ecclesię instituta, ritusque
ab illis aliquid agi, geri, fieri ue compertum erit, quodq; præsertim eiusmodi
sit, quamobrem hæresis nomine suspecti esse possint, in eos Episcopus graui-
ter agat, & animaduerat, etiam pro culpa ratione ad Sacrorum Canonum
Pontificiarumq; sanctionum præscriptum.

Si uero eos vlllo alio modo publicè offendere cognitum erit, ab Ecclesiã,
diuinorum officiorum tempore eijci iubeat, quoad emendatę uirę explorata
testimonia, & exempla uiderit.

DE TORNEAMENTIS.

Tit. XVII.

Quadragesimę temporibus, ne simulachra incendantur aliaq; similia
etiam à pueris proposita pœna ne fiant. Parochisq; pro
his quid agendum erit. Cap. I.



PRAUE est, nec propterea ferendum, ut quibus diebus Sancta Ec-
clesiã ad ieiunium, ad penitentiam, ad omneq; pietatis officium
animos fidelium excitare, & accendere studet, in ijs maxime
seculi homines operibus sathanicis operam nauent.

Quare corruptelam illam, quam in nonnullis locis, depraua-
to usu adhuc retineri accepimus, ut primis illis sacri quadragesimalis tempo-
ris diebus latorum hominum efficta simulachra incendantur, inanes nu-
ptiæ fingantur, conuersationes nocturnæ, tumultusq; fiant, radicibus euellere,
cum maximè cupiamus, hoc decreto ueritum, interdictumq; sit, vt ne quid ta-
le in posterum, neque quicquam aliud eius generis religioso illo tempore uis-
quam fiat, agatur, committatur ue: nec uerò agi, fieri, admittive permitta-
tur; pœna ijs omnibus, & singulis, qui contrafecerint, interdicti proposita,
quam eo ipso subeant. Parochus uerò, in cuius parochiã finibus id criminis,
etiam si à pueris solùm, qui tamen doli capaces sint, committi solet, primò in

eam

eam curam ipse incumbat omni studio, ut ne offensiones hæc peccataq; id generis fiant. Deinde verò, si occurrere nullo modo poterit; rem omnem in tempore, si in urbe est, ad Episcopum, si in diœcesi ad Vicarium Foraneum deferat, quo vel alijs rationibus, vel grauiori pœna eiusdem Episcopi arbitrio ijs morum erroribus consultum, ac prouisum sit omnino.

DE ADULTERIIIS STUPRIS, & Lenocinijs. Tit. XVIII.

Meretrices in cauponis qualiter non habendæ, transgressoresque puniendi. Cap. I.

ROSTITVTAS feminas, meretricesve in cauponis, diuersorij, ganeisve ad quæstum alere, cum id & graui Dei offensione, & magno animarum detrimento, & disciplina christiana iniuria fiat, hoc decreto prohibendum censuimus. Quare ne quisquam Vel caupo, vel tabernarius, vel qui cœnaculariam facit, illas in ipsis cauponis, ac diuersorij habeat, alatve ad turpem quæstum.

Qui contrafecerit post huius decreti promulgationem in eius parochiali Ecclesia factam, tanquam is, qui in statu damnationis notoriè versatur; præmissa monitione, interditi pœna afficiatur, & alijs præterea etiam grauioribus arbitrata Episcopi.

Qualiter Episcopus contra concubenarios procedere, & eos punire debeat. Cap. I I.

Graue concubinitus crimen est, proptereaq; quàm ingens in eo funditus conuellendo sollicitudo, & quàm longè omnium diligentissima cura Episcopi esse debeat, cum Canonum leges, sacriq; œcumenici Concilii Tridentini decreta iubent, tum verò Pij Quinti Pontificis Maximi Apostolica sanctio iam pridem edita perspicuè ostendit.

Qua sanctione sanctæ obedientiæ virtute illud iussum est, vt quæ contra concubenarios eiusdem Concilij Tridentini decretis constituta sunt, in ijs ipsis omnino, inuiolatèq; exequendis, Episcopus in sua diœcesi diligenter, sanctèq; inuigilet: Deo Romanoq; Pontifici rationem redditurus, si in eo turpi crimine radicatus extirpando negligenter, aut remissè se gesserit. Quamobrè Episcopus nemine etiam postulante, aut accusante, ex officio sine strepitu, & forma iudicij, solaq; facti ueritate inspecta, contra istiusmodi concubenarios, cuiuscunque status, ordinis, dignitatèq; illi sint, seuerè agat: proindeq; pœnis sacrorum Canonum iure summorum Pontificum constitutionibus, Conciliorumq; auctoritate sancitis, & alijs præterea etiam pecuniarijs, arbitrio suo, grauius puniat. Quos autem ter admonitos in contumacia persistere animaduertent, eos non solùm alijs pœnis, sed excommunicatione etiam ex eodem decreto Tridentino afficiat.

Concil.
Trident.
Sess. 24.
c. 8. de re
for. mat.
& Sessio.
25. ca. de
reso. 14.
Bulla e-
dita. Ca-
lè. Apri.
1566. ver-
si. Monæ-
mus pte
reai Bul.
nu. 5. in-
ter illius
constit.
fol. 924.